



MINORITY SHAREHOLDER WATCHDOG GROUP

Badan Pengawas Pemegang Saham Minoriti Berhad

Incorporated in Malaysia * Company No. 524898-M

The Observer

06 September 2014

MESEJ KETUA PEGAWAI EKSEKUTIF



Fungsi audit dalaman dalam syarikat tersenarai awam adalah satu aspek tadbir urus korporat yang saya ingin mengetengahkan kerana ia adalah amat penting dan wajar diberi penekanan. Ini adalah kerana dalam pemantauan syarikat-syarikat awam, kami dapati kos audit dalaman adalah rendah jika dibandingkan dengan yuran audit luar serta saiz dan kerumitan operasi. Kami berpandangan kos audit dalaman adalah petunjuk bagaimana lembaga syarikat tersenarai mengambil penting terhadap fungsi audit dalaman ini. Statistik yang kami analisis daripada Laporan MSWG-Malaysia ASEAN CG 2013 menunjukkan tidak banyak penekanan diberikan kepada fungsi ini terutamanya di dalam syarikat-syarikat bermodal kecil dan sederhana. Hanya syarikat-syarikat di sektor kewangan mempunyai kos setimpal malah secara purata melebihi 300 peratus berbanding yuran audit luaran. Sektor perladangan, dagangan/perkhidmatan dan barang pengguna pula adalah sedikit melebihi 100 peratus. Sektor-sektor lainnya mempunyai kos audit dalaman yang rendah berbanding yuran audit luar dan ada di antaranya kurang RM3,000 sebulan secara purata. Bagaimanakah sebuah syarikat boleh melaksanakan tugas audit dengan sempurna sekiranya kosnya serendah ini? Adakah lembaga syarikat tersebut mengabaikan tugas sepenting ini dan seterusnya mengeneplikan tanggungjawab usus tadbir korporat mereka?

Kami menggunakan yuran audit luar sebagai penanda aras memandangkan ia boleh diukur dan yuran yang dikenakan selalunya adalah berkait rapat dengan saiz dan kerumitan operasi.

Justeru itu, kami mempunyai pandangan bahawa kos audit dalaman patut dinaikkan supaya sekurang-kurang setimpal dan melebihi yuran audit luar malah sepatutnya mengambil kira saiz operasi syarikat serta kerumitannya. Ini bukan sahaja akan meningkatkan standard audit dalaman, malah akan dapat menarik sumber manusia yang lebih baik dan lebih berpengalaman ke dalam industri tersebut, seterusnya mengukuhkan fungsi audit dalaman. Ini juga boleh dijangka dapat mengurangkan kejadian penyelewengan dan penipuan di dalam syarikat.

Di dalam hal yang berasingan, keputusan British American Tobacco (BAT) untuk meningkatkan harga semua rokok keluarannya minggu ini memberi petunjuk bahawa tekanan kos semakin meningkat. Kenyataan rasmi BAT jelas menggambarkan hal ini: "*keadaan persekitaran operasi adalah sangat mencabar dengan kos untuk menghasilkan dan mengedarkan setiap batang rokok semakin meningkat akibat tekanan kos dan inflasi.*"

Situasi kerugian yang dialami oleh BAT yang disebabkan oleh penjualan rokok secara haram yang masih berterusan meskipun pelbagai usaha telah diambil untuk mengatasinya adalah membimbangkan. Kegiatan

haram tersebut boleh merampas perolehan dan mencemarkan reputasi negara serta menyebabkan pengherotan harga pasaran. Situasi ini perlu dibendung.

Akhir sekali, saya ingin mengambil kesempatan ini untuk mengucapkan kepada semua pembaca "Selamat Hari Malaysia" yang akan jatuh pada 16 September.

Salam,

Rita

KEMASKINI MAKLUMAT PASARAN MODAL

KAJIAN KOS AUDIT DALAMAN SYARIKAT TERSENARAI DI BURSA MALAYSIA

Average External Audit Fees & Internal Audit Cost per Sector				
No. of Companies (862)	External Audit Fees (RM'000)	Non-Audit Fees (RM'000)	Internal Audit Cost (RM'000)	% of Internal Audit Cost to External Audit Fees
CONSTRUCTION	312,000	86,000	200,000	64%
CONSUMER PRODUCTS	247,000	70,000	249,000	101%
FINANCE	1,855,000	611,000	6,265,000	338%
HOTEL	209,000	132,000	38,000	18%
INDUSTRIAL PRODUCTS	201,000	69,000	131,000	65%
INFRASTRUCTURE PROJECT COS.	1,038,000	106,000	977,000	94%
MINING	27,000	3,000	3,000	11%
PLANTATION	413,000	312,000	802,000	194%
PROPERTY	277,000	68,000	201,000	73%
TECHNOLOGY	111,000	34,000	54,000	49%
TRADING/SERVICES	659,000	341,000	934,000	142%

Source: Malaysia-ASEAN Corporate Governance Report 2013

SENARAI TINJAUAN MSWG

HYTEX INTEGRATED BERHAD ("HIB")

Dagangan sekuriti HIB telah digantung sejak 30 Mei 2014 berikutan ketidakbolehan syarikat untuk menerbitkan keputusan kewangan suku pertama dalam tempoh lima (5) hari pasaran selepas tarikh luput 31 Ogos 2014. Bagaimanapun, dagangan saham HIB telah digantung sejak 30 Mei 2014 menurut Perenggan 16.02(j) Keperluan Penyenaraian Bursa Malaysia. HIB kini sedang memuktamadkan keputusan suku pertama yang masih tertunggak dan dijangka akan menyerahkan keputusan suku pertama tersebut kepada Bursa Malaysia menjelang 9 September 2014.

Penganalisa MSWG

Lya Rahman, Pengurus Besar, Khidmat Korporat, lyarahman@mswg.org.my
Chong Chee Fern, Pengurus Besar, Pemantauan Korporat chongcf@mswg.org.my
Rebecca Yap, Ketua, Pemantauan Korporat rebecca.yap@mswg.org.my
Quah Ban Aik, Ketua, Pemantauan Korporat banaik.quah@mswg.org.my
Norhisam Sidek, Pengurus, Pemantauan Korporat norhisam@mswg.org.my
Shahnul Niza Dato Dr Mohd Yusof, Pengurus, Pemantauan Korporat shahnul.niza@mswg.org.my
Lee Chee Meng, Pengurus, Pemantauan Korporat cheemeng@mswg.org.my
Wong Kin Wing, Pengurus, Pemantauan Korporat, kinwing@mswg.org.my
Nor Khalidah Khalil, Penganalisa, Pemantauan Korporat khalidah@mswg.org.my
Vinodth Ramasamy, Penganalisa, Pemantauan Korporat vinodth.ram@mswg.org.my

PENZAHIRAN KEPENTINGAN

- *Sehubungan dengan syarikat-syarikat yang dinyatakan, MSWG memegang jumlah saham yang minima di dalam syarikat-syarikat yang dinyatakan di dalam surat berita ini.*

Maklumbalas

Kami mengalu-alukan maklumbalas anda mengenai surat berita dan khidmat kami. Sila e-mel komen dan cadangan anda ke mswg.ceo@mswg.org.my.

PENOLAKAN TUNTUTAN

Surat berita ini dan isi kandungannya berserta semua hak-hak berkaitan dengannya termasuk hak cipta dimiliki oleh Badan Pengawas Pemegang Saham Minoriti Berhad, juga dikenali sebagai Minority Shareholder Watchdog Group (MSWG).

Isi kandungan dan pendapat yang dinyatakan di dalam surat berita ini adalah berdasarkan maklumat yang diperoleh daripada domain awam dan bertujuan untuk memberikan maklumat umum kepada pengguna dan adalah untuk rujukan sahaja. Usaha terbaik telah dilakukan untuk memastikan maklumat yang terkandung di dalam surat berita ini adalah tepat dan terkini pada tarikh penerbitan. Walaubagaimanapun, MSWG tidak membuat sebarang waranti nyata atau tersirat atas ketepatan atau kelengkapan maklumat dan pendapat yang terkandung di dalam surat berita ini. Tiada maklumat di dalam surat berita ini yang bertujuan atau patut dianggap sebagai syor untuk membeli atau menjual atau jemputan untuk melanggar sekuriti tertentu, pelaburan yang berkaitan atau mana-mana instrumen kewangan.

MSWG perlu diberikan perakuan bagi mana-mana bahagian surat berita ini yang diterbitkan semula.

MSWG tidak akan bertanggungjawab atau menanggung sebarang liabiliti atas kebergantungan kepada sebarang maklumat atau komen yang terkandung di dalam surat berita ini atau jika ianya diterbitkan semula oleh pihak ketiga. Semua pembaca atau pelabur dinasihatkan supaya mendapatkan nasihat perundangan atau nasihat profesional yang lain sebelum mengambil sebarang tindakan berdasarkan surat berita ini.